

SCRIPT OF MORNING GOJRI NEWS BULLETIN 26MAY 2026 1015HRS

مارننگ گوجری نیوز بولٹن 26 مئی 2026

یوہ آکاشوانی جموں بے عبدالرحمان تین خیر سُنو۔

GULMARG GANDOLA RESCUE

گل مرگ گنڈولہ روپ وے مانہہ کل یکنیکی خرابی پیدا ہون غی وجہ سنگ فضا مانہہ کئی گھنٹاں توڑی پھیسہ رہن آلا ترے سو تین زیادہ سیلانیاں نانہہ فوج جموں کشمیر پولیس تے دوجی ایجنسیاں غی سانجھی تے دشوار بچاؤ کاروائیاں غے بعد بحفاظت کڈلیو گیو بے۔ ایشیا غا سب تین اوچا روپ وے مانہہ یکنیکی خرابی پیدا ہون غے فوراً بعد دوپہر غے قریب ایک بڑھ پیمانہ ور ایک سانجھو بچاؤ اپریشن شروع کیو گیو۔ اطلاعات غے مطابق کجھ کبین تقریباً 5 سو فٹ غی بلندی ور معلق ہون غی وجہ سنگ اتوں انخلا مانہہ زیادہ وقت لگو علاقہ مانہہ شدید بارش نے وی امدادی کاروائیاں مانہہ روکاوت کھلی۔ اسے دوران لیفٹیننٹ گورنر منوج سنہا تے وزیر اعلیٰ عمر عبداللہ نے گلمرگ غی کیل کاراں مانہہ پھسپاواہ 3 سو سیلانیاں نانہہ بحفاظت کڈن مانہہ قدرتی آفات تدارک ٹیمیں غی بہادری تے خدمات نانہہ شہر ایو۔ وزیر اعلیٰ عمر عبداللہ نے اس واقعہ غی تحقیقات غو حُکم وی دتو بے۔

LG HAZRATBAL SHRINE VISIT

لیفٹیننٹ گورنر منوج سنہا نے کل عیدالاضحیٰ غا مبارک تہوار غی تیاریاں غو جائیزو لین واسطے مقدس حضرت بل درگاہ غو دورو کیو۔ اپنا دورہ غے دوران لیفٹیننٹ گورنر منوج سنہا نے پانی غی فراہمی صفائی ستھرائی بجلی تے دوجی سہولیات غا انتظامات غو معائنو کیو۔ جہیزو تہوار غا پُرامن تے خوش اسلوبی سنگ انعقاد واسطے کیا جارہیا ہیں۔ انہاں نے اعلیٰ افسراں نانہہ ہدایت دتی جے تمام انتظامات پوری مستعدی سنگ مکمل کیا جیں۔ لیفٹیننٹ گورنر ہوراں نے کہبو جے یوہ تہوار ہم نانہہ عاجزی تے خیرات جیسی اعلیٰ اقدار غی یاد دواوے تے انسانیت غی پہلائی واسطے خود نانہہ وقف کرن غی ترغیب دے۔ انہاں نے کہبو جے ہم اس گل نانہہ یقینی بناواں گا جے یہ تقریبات نہ صرف منظم ویں۔ بلکہ حقیقی معنایں مانہہ شاندار وی ویں۔

EID SECURITY DODA

عید غی تقریبات نانہہ پُرامن تے خوش اسلوبی سنگ منعقد کرن واسطے ضلع ڈوڈھ پھر مانہہ سخت حفاظتی انتظامات کیا گیا ہیں۔ ایس۔ ایس۔ پی ڈوڈھ کارتک شروتیریا غے مطابق، ضلع مانہہ تعینات تمام حفاظتی فورسز نانہہ مکمل طور ور متحرک کردتو گیو بے تے بکھ بکھ علاقوں مانہہ 24 گھنٹہ گشت جاری ہے۔ انہاں نے کہبو جے احتیاطی تدابیر غا طور ور حساس مقامات ور اضافی دستہ وی تعینات کیا گیا ہیں۔ عوام نانہہ عید غی مبارک باد پیش کرتا واں، ایس۔ ایس۔ پی نے لوکاں تیں اپیل کی ہے جے وے ہم آہنگی سنگ تے خوف تیں پاک ماحول مانہہ تہوار مناویں۔ انہاں نے یقین دوايو جے عید غی نمازاں تے اجتماعات غے دوران مناسب تعداد مانہہ حفاظتی اہلکار تائناں ریں غا۔

CM APPOINTMENT LETTERS

وزیر اعلیٰ عمر عبداللہ نے کل سیول سیکرٹریٹ سرینگر مانہہ ایس آر او 43 جموں کشمیر بحالی و امدادی سکیم غے تحت مستحق افراد مانہہ تقرری نامہ تقسیم کیو جموں کشمیر گا بکھ بکھ ضلعوں سنگ تعلق رکھن آلا مجموعی طور ور 52 امیدواراں انہہ سرینگر تے جموں مانہہ بیک وقت منعقدہ تقریبات غے دوران ایس آر او 43 غے تحت تقرری غا احکامات دتا گیا جموں سنگ تعلق رکھن آلا مستحقین تے ویڈیو کانفرنسنگ غے ذریعے اس تقریب مانہہ شرکت کی نواں تعینات شدہ افراد سنگ خطاب کرتا واں وزیر اعلیٰ نے کہبو جے حکومت صرف اپنی ذمے داری پوری کررئی ہے کوئی احسان نی کررئی انہاں نے کہبو جے اس فرض غی ادائیگی غے دوران ہم

نانہ یوہ احساس وی ہے جے ان سرکاری احکامات غا حصول واسطے تم نانہ بہتر بڑی قربانیاں
دینی پئیں۔

SATISH EDU EXPO

وزیر کھیڈ ستیش شرما نے نوجواناں تیں کہیو کہ وہ تعلیم ، نظم-وضبط تے کھیڈ نانہ اپنی
ترقی تے ملک غی تعمیر غی بُنیاد بناویں۔ جموں مانہ منعقدہ ایجوکیشن ایکسپو 2026 تیں خطاب
کرتا واں اُنہاں نے کہیو کہ کامیاب تے مضبوط معاشرہ واسطے تعلیم غے نال اچھی اقدار ،
کردار تے حوصلو وی ضروری ہیں۔ اُنہاں نے تعلیم نانہ صرف کتابی علم نی بلکہ انسان غی
مکمل شخصیت بنان غو ذریعو قرار دتو۔

SEARCH OP RAJOURI

حفاظتی دستاں نے مختصر فائرنگ غا تبادلہ تیں بعد دہشت گرداں غا ایک ٹھکانہ نانہ تباہ کردتو
ہے۔ جت راجوری ضلع غا دوہری ماہل علاقہ گا کنہ جنگلاں مانہ چھپاواہ مشتبہ دہشت گرداں
غی تلاش واسطے جاری اپریشن اج مسلسل چوتھا دن مانہ داخل ہو گیو ہے۔ آکاشوانی جموں گا
نمائندہ غے مطابق راجوری ضلع غا گھمیر مغلان علاقہ غا دوہری ماہل جنگلاں مانہ بار غے
روز دہشت گرداں تے حفاظتی دستاں غے بیشکار چھڑپ شروع ہوئی جس غے بعد فوج۔ پولیس
تے نیم فوجی دستاں غی سانجھی ٹیم نے اپریشن شیرو والی غو آغاز کیو۔ مشتبہ دہشت گرداں غی
تلاش واسطے کاروائی سخت کیرہ بندی غے بشکار جاری ہے۔ تے مزید تفصیلات غو اجیں
انتظار ہے۔

JK ADVENTURE TSM

سیاحت بارے ڈائریکٹوریٹ جموں نے جموں کشمیر نانہ بھارت غو عجائیب و مہم جوئی سیلانی
مرکز بنان غا مقصد سنگ ایک بڑی پہل شروع کی ہے جس غو ہدف مقامی نوجواناں واسطے
پُر مندی تے روز گار غا موقع پیدا کرنو وی ہے۔ محکمہ سیاحت غا جائینٹ ڈائریکٹر اعجاز
قیصر نے کہیو ہے جے حکومت سیاحت غا شعبہ نانہ مضبوط بنان تے نوجواناں نانہ پورہ
مرکزی زیر انتظام علاقہ مانہ عجائبی سیاحتی سرگرمیاں مانہ چست شرکت غی ترغیب دین ور
توجو دے رئی ہے۔ اُنہاں نے کہیو جے اس منصوبہ غے تحت 17 تیں 40 سال غی عمر غا
نوجواناں تیں بُنیادی تے اعلیٰ تربیتی کورساں واسطے درخواست طلب کی گئی ہیں۔ ان سرگرمیاں
مانہ پیرا گلائینڈنگ ، ٹریکنگ ، کوہ پیمانی ، اسکیٹنگ تے ریور رافٹنگ شامل ہیں۔

JAMMU HEATWAVE

کل یعنی سوموار غے روز جموں خطہ مانہ شدید گرمی غی لہر برقرار رہی
جے جموں شہر مانہ زیادہ تیں زیادہ درجہ حرارت 40.3 ڈگری سلسیس ریکارڈ کیو گیو۔ جہڑو اس
موسم غو اس ویلے تک غو گرم ترین دناں وچوں ایک ہے۔ آکاشوانی جموں غا نمائندہ غے مطابق
، شری ماتا ویشنوی دیوی غا بُنیادی کیمپ کٹڑہ مانہ دوجو سب تیں زیادہ درجہ حرارت 37
عشاریہ 8 ڈگری سلسیس ریکارڈ کیو گیو۔ جے بانہال، بٹوت تے بھدرواہ جیسا پہاڑی مقامات ور
نسبتاً ٹھنڈو موسم دیکھیو گیو۔ بدھتی وی گرمی غے پیش نظر محکمہ تعلیم نے پہلی جون تیں
گرمیاں غی چھٹیاں گو اعلان پہلاں ہی کردتو ہے۔

NEWS READ BY ABDUL REHMAN
NEWS EDITOR KUNAL SHRIVATSA
DEO NUSRAT
SKILLED RAJAT
TECH ASST PALLAVI